



Washington: Visoki predstavnik se sastao sa predsjedavajućim arbitrom Arbitražnog tribunala za Brčko Williamsonom

Tokom posjete Washingtonu, uoči svog polugodišnjeg obraćanja Vijeću sigurnosti Ujedinjenih naroda, visoki predstavnik Valentin Inzko se 28. oktobra 2019. godine sastao sa predsjedavajućim arbitrom Arbitražnog tribunala za Brčko, ambasadorom Clintom Williamsonom.

„Značaj Brčko Distrikta za stabilnost cijele države dobro je poznat. Iz tog razloga, lokalni organi vlasti moraju uložiti dodatne napore kako bi pokrenuli novi trend koji će pokazati da su promjene moguće ukoliko se oni fokusiraju na pitanja koja su bitna građanima. U tom slučaju, ni podrška međunarodne zajednice neće izostati“, rekao je visoki predstavnik.

On je također istakao da, iako je svakodnevna supervizija suspendirana, on i supervizor za Brčko Distrikt, Michael Scanlan, nastavljaju sarađivati sa vlastima Distrikta da bi im pomogli da se usvoje reforme usmjerene na kvalitetnu javnu upravu, rast privatnog sektora te infrastrukturni razvoj kako bi Distrikt postao dobar primjer za ostatak BiH.